

ডোমেইন স্থানান্তর (Transfer) এর পদ্ধতি

ডোমেইন স্থানান্তরের মাধ্যমে একজন ডোমেইন গ্রাহক তার নিবন্ধিত কোনো ডোমেইনকে অন্য কোনো গ্রাহকের নিকট অর্পণ করে তাকে ডোমেইনটির নতুন নিবন্ধক হিসেবে পরিণত করতে পারবেন। এর মাধ্যমে ডোমেইন ব্যবহারের সকল নিয়ন্ত্রণ এবং ডোমেইনটির নিবন্ধন অন্য একজন গ্রাহকের নিকট স্থানান্তরিত হয়। ডোমেইন স্থানান্তরের জন্য নিম্নোক্ত ধাপ অনুসরণ করতে হবে-

১। মেয়াদ হালনাগাদ করা:

স্থানান্তরের জন্য ডোমেইনটির মেয়াদ হালনাগাদকৃত (up-to-date) থাকতে হবে।

২। অ্যাকাউন্ট অ্যাক্সেস থাকা:

ডোমেইনটির বর্তমান নিবন্ধক (Registrant) এর বিটিসিএল এর ডোমেইন অ্যাকাউন্টে অ্যাক্সেস থাকতে হবে।

৩। নতুন অ্যাকাউন্ট তৈরি:

যে ব্যক্তি/প্রতিষ্ঠান ডোমেইনটির নতুন নিবন্ধক হতে আগ্রহী তার/তাদের ডোমেইন অ্যাকাউন্ট তৈরি করতে হবে। এমনভাবে অ্যাকাউন্ট তৈরি করতে হবে যাতে করে অ্যাকাউন্টে নিবন্ধক (Registrant) এর নামের সাথে ডোমেইন এর নামের সাদৃশ্য থাকে। বিস্তারিত <https://bdia.btcl.com.bd/p.pdf> -এই লিংক থেকে দেখুন।

৪। ডকুমেন্টসহ আবেদন প্রেরণ:

ডোমেইনটির বর্তমান নিবন্ধক (Registrant) যার নিকট ডোমেইনটি স্থানান্তরে আগ্রহী তার নাম (ব্যক্তি হলে ব্যক্তির নাম; প্রতিষ্ঠান হলে প্রতিষ্ঠানের নাম) এবং প্রতিষ্ঠানের মালিকের নাম (প্রযোজ্য ক্ষেত্রে) উল্লেখপূর্বক ডোমেইন স্থানান্তরে অনাপত্তি জ্ঞাপন করে “উপমহাব্যবস্থাপক (ডোমেইন), টেলিফোন ভবন, মগবাজার, ঢাকা-১২১৭” বরাবরে হার্ডকপিতে আবেদন করবেন। আবেদনের একটি নমুনা এই ইমেইলে সংযুক্ত করা হল। আবেদনের সময় নিম্নলিখিত কাগজপত্র আবেদনপত্রের সাথে সংযুক্ত করতে হবে-

ক) বর্তমান নিবন্ধকের ভেরিফিকেশন ডকুমেন্ট। বর্তমান নিবন্ধক ব্যক্তি (Individual) হলে জাতীয় পরিচয়পত্র এবং বাণিজ্যিক প্রতিষ্ঠান হলে তার মালিকের পরিচয়পত্র সহ প্রতিষ্ঠানটির ট্রেড লাইসেন্স/নিবন্ধন/সনদ ভেরিফিকেশন ডকুমেন্ট হিসেবে বিবেচিত হবে।

খ) ডোমেইন স্থানান্তর বিষয়ে বর্তমান নিবন্ধক এবং যে ব্যক্তি/প্রতিষ্ঠান ডোমেইনটির নতুন নিবন্ধক হতে চাচ্ছেন তাদের মধ্য ৩০০ (তিনশত) টাকার নন জুডিশিয়ারি স্ট্যাম্প স্বাক্ষরিত চুক্তিপত্র।

৫। পোর্টাল থেকে অনুরোধ:

ডোমেইনটির বর্তমান নিবন্ধক (Registrant) বিটিসিএল এর ডোমেইন সেবার অনলাইন পোর্টালে লগইন করে ‘Ownership Change’ মডিউল হতে উল্লিখিত ইউজারনেম সিলেক্ট করে উপরে বর্ণিত অনাপত্তি বিষয়ক আবেদন এবং হস্তান্তর বিষয়ক চুক্তিনামা আপলোড করে স্থানান্তরের অনুরোধ প্রেরণ করবেন।

৬। ইনভয়েস জারি:

বিটিসিএল এর ডোমেইন শাখা ডোমেইন স্থানান্তরের অনুরোধ এবং সকল কাগজপত্র যাচাই করবেন এবং আবেদন যথাযথ বলে মনে করলে ইনভয়েস জারি করবেন যা ডোমেইনটির নতুন নিবন্ধক হতে আগ্রহী ব্যক্তি বা প্রতিষ্ঠান প্রাপ্ত হবেন।

৭। মূল্য পরিশোধ এবং স্থানান্তর:

ইনভয়েস অনুসারে মূল্য পরিশোধ করলে নতুন নিবন্ধক হতে আগ্রহী ব্যক্তি বা প্রতিষ্ঠানের নিকট ডোমেইনটির নিয়ন্ত্রণ প্রতিস্থাপিত হবে এবং তিনিই ডোমেইনটির নতুন নিবন্ধক (Registrant) হিসেবে পরিগণিত হবেন।